

Hab. in *Salsola* (PUTON) et in *Salicornia radicante* (MONCREAFF), in *Arenaria maritima* (SAUNDERS), in *Chenopodio glauco* (var. β , PUTON): Anglia (Portsmouth!) D. MONCREAFF, Worthing); Hollandia (Zierikzee, var. α et β), D. FOKKER; Gallia (var. α : Metz!, D. BELLEVOYE, var. β : La Nouvelle!, Aude, Balaruc!, Cette, Hérault, Hyères, D. Dr PUTON); Algeria (Biskra! ♀ brach.), D. LETHIERRY; Tunisia, D. DORIA (var. β Mus. Genov.); Graecia (Attica! ♀ brach.), D. Dr KRUEPER; Rossia meridionalis (Astrachan!, var. α et β), D. JAKOVLEFF. *Var. ϵ* ex Anglia.

Descr.: Species parva, rostro longo, pedibus saltatoriis, pronoto brevi, capite lato insignis. Corpus oblongum vel brevius ovatum, subtiliter pallido-pubescent, superne plerumque nigro-pilosum, albo-tomentosum, pilis autem saepe magis minusve (praecipue in var β) detritis. Caput pronoti basi $\frac{1}{5}$ — $\frac{1}{4}$ angustius, praecipue feminae crassum, latitudini cum oculis aequae longum (♀) vel vix transversum (♂), vertice marginato oculo duplo — duplo et dimidio (♂) vel duplo et dimidio — triplo () latiore, fronte convexiuscula, clypeo basi sat longe supra lineam inter scrobes antennarum ductam posita. Rostrum apicem coxarum posticarum attingens, apice nigro. Antennae ad ipsum apicem oculorum interne insertae, articulo primo apicem clypei vix vel parum superante, capite magis quam duplo brevior, secundo primo circiter quadruplo — quintuplo longiore, tertio secundo $\frac{1}{5}$ (♂) vel $\frac{1}{4}$, raro $\frac{1}{3}$ (♀ unica) brevior, quarto tertio dimidio — $\frac{2}{5}$ brevior. Pronotum capite a tergo viso fere brevius, basi longitudine magis quam duplo latius, apice longitudine distincte (saepe fere dimidio) latius, lateribus rectis, callis parum discretis. Hemielytra explicata, maris parallela, abdomen longius superantia, feminae margine externo rotundata et membrana abdomen distincte superante, margine externo margine eodem cunei paullo longiore, vel abbreviata, abdominis longitudine vel paullo breviora, margine laterali versus apicem fortius curvata, membranae margine externo eodem margine cunei haud longiore. Pedes colore corporis, femoribus posticis incrassatis, maris quam feminae tamen magis elongatis, tibiis concoloriter spinulosis, tarsis posticis tibiis fere triplo brevioribus, articulo tertio secundo haud longiore, apice nigro-fusco. Maris segmentum genitale parvum. Feminae terebra medium ventris attingens, squama basali sat magna.

32. *Orthotylus pusillus* REUT.

Diagn.: Dilute virescens, unicolor; capite a tergo viso pronoti basi $\frac{1}{5}$ angustiore, crassiusculo, vertice lato obsolete marginato; antennis articulo primo brevi, capituli apicem haud superante, secundo latitudini basali pronoti aequae longo (♂); rostro apicem coxarum posticarum attingente; pronoto fortiter transverso, apice longitudine latiore; membrana hyalina, venis saturate viridibus; femoribus posticis incrassatis, tibiis omnium subtilissime concoloriter spinulosis, posticis tarsis duplo et $\frac{3}{4}$ longioribus, tarsis posticis articulo tertio secundo longitudine aequali. Long. ♀ $2\frac{2}{5}$ mm.

Hab. in Tunisia, D. DORIA (Mus. Genov.)

Descr.: *O. rubidi* var. γ similis, sed dilutius virescens, multo minor, venis membranae hyalinae viridibus mox distinguendus. Corpus brevius ovatum, dilute viride (an